

Përpunimi nën kontrollin e doganës

Neni 326

Ne perputhje me pjesen IV, kreu 2, seksioni 3E të Kodit, ky kre përcakton dispozitat për zbatimin e regjimit të përpunimit nën kontrollin doganor.

Neni 327

Ne zbatim të nenit 151 të Kodit, regjimi i përpunimit nën kontroll doganor mund të perdoret vetëm për mallrat e treguara në kolonen 1 të listës së Aneksit 41, të cilat mund të nënshtrohen vetëm përpunimeve të treguara në kolonen 2.

Neni 328

1. Kërkesa behet në perputhje me nenin 234 dhe në perputhje me modelin e Aneksit 28 dhe duhet të paraqitet nga personi, të cilit mund t'i jepet autorizimi sipas neneve 109, 152, 153 të Kodit.
2. Kërkesa i paraqitet Drejtorisë së Përgjithshme të Doganave.

Neni 329

1. Autorizimi leshohet nga Drejtoria e Përgjithshme të Doganave dhe behet sipas modelit të Aneksit 33.
2. Çdo autorizim duhet të shoqërohet nga një formular i quajtur Regjistër i përpunimit nën kontrollin doganor që do të jetë pjesë përbërëse e çdo autorizimi. Modeli i Regjistrit të përpunimit nën kontrollin doganor në import është përkrahur në Aneksin 33. Të gjitha vendosjet në regjim duhet të regjistrohen në këtë formular në përputhje me udhëzimet e nxjerra nga Drejtoria e Përgjithshme të Doganave.
3. Për të siguruar zbatimin e rregullt të dispozitave që rregullojnë regjimin, autoritetet doganore mund t'i kërkojnë mbajtësit të autorizimit të mbajë regjistra magazinimi, në të cilat tregohet sasia e mallrave të importit të vendosura nën regjim dhe sasia e produkteve të përpunuara të përfutuara, si dhe gjithë hollësitë e nevojshme për ndjekjen e operacioneve nga dhe përlogaritjen e saktë të detyrimeve doganore të importit që ligjërisht mund të paguhen. "*Regjistrat e përpunimit nën kontrollin doganor*" vihen në dispozicion të zyres mbikqyrese për të mundësuar këtë të fundit të kryejë gjithë kontrollet e nevojshme për zbatimin e duhur të regjimit.

Neni 330

Afati i vlefshmerisë së autorizimit vendoset rast pas rasti nga autoritetet doganore, duke patur parasysh nevojat e vecanta të kërkuar. Kur ky afat është më i gjatë se 2 vjet, kushtet në të cilat ishte leshuar autorizimi rishikohen periodikisht në intervalet e përcaktuara në autorizim.

Neni 331

1. Kur leshon një autorizim, Drejtoria e Përgjithshme të Doganave duhet të caktojë edhe afatin brenda të cilit produkteve të përpunuara duhet t'u jepet një destinacion doganor në perputhje me nenin 154 të Kodit, duke marrë parasysh kohën që nevojitet për të kryer operacionet e përpunimit dhe kohën që nevojitet për t'u caktuar produkteve të përpunuara një destinacion doganor.
2. Kur mbajtësi i autorizimit depoziton një kërkesë të arsyetuar për zgjatje afati, afat i caktuar për rieksporimin mund të zgjatet nga Drejtoria e Përgjithshme të Doganave.

Neni 332

1. Koeficienti i shfrytëzimit, ose menyra e përcaktimit të tij, referuar në nenin 154 të Kodit, për sa është e mundur përcaktohet në bazë të të dhënave të prodhimit dhe duhet të jetë i identifikueshëm në regjistrat e mbajtësit të autorizimit.
2. Koeficienti ose menyra e përcaktimit të tij vendosen në perputhje me paragrafin 1, duke qënë objekt i verifikimeve *a posteriori* nga autoritetet doganore.

Neni 333

1. Deklarata për vendosjen e mallrave për përpunim nën kontrollin doganor duhet të depozitohet në njërin prej zyrave të treguara në autorizimin që lejon vendosjen e mallrave nën regjim.
2. Deklarata të cilës i referohet paragrafi 1 duhet të kryhet në perputhje me nenet nga 121 deri 161.

3. Pershkrimi i mallrave i dhene ne deklaraten e referuar ne paragrafin 2, duhet t'i korrespondoje specifikimeve te bera ne autorizim.
4. Per qellim te te nenit 87(2) te Kodit, dokumentat shoqeruese te deklarates jane ato te parachikuara ne nenin 145.
5. Çdo deklarate importi duhet te permbaje kodin IM9 ne kutine 1 te deklarates si dhe numrin dhe daten e autorizimit per regjimin e perpunimit nen kontrollin doganor ne kutine 44. Formulari **Regjistër importi i perpunimit nen kontrollin doganor**, i pershkruar ne Aneksin 33 duhet te lëshohet per çdo deklarate qe vendos mallrat ne regjim dhe do formoje një pjese përbërëse e kopjes së deklarates qe mbahet nga organet doganore. Te gjitha exits duhet te regjistrohen ne kete formular ne perputhje me udhezimet e nxjerra nga Drejtoria e Pergjithshme e Doganave. Deklarata e importit sebashku me te gjitha dokumentet qe i bashkangjiten, pas clirimit te mallrave, duhet te mbahet ne një dosje te veçante per secilen prej shoqerive qe jane autorizuar te perdorin regjimin e perpunimit nen kontrollin doganor.

Neni 334

1. Mbyllja e regjimit bazohet ose ne sasine e mallrave te importit, te ciles i korrespondojne produktet e perpunuara, duke zbatuar koeficientin e shfrytezimit, ose ne sasine e mallrave ne gjendje te pandryshuar te ciles i eshte dhene një destinacion doganor.
2. Kur eshte nevoja, ne perputhje me nenin 155 te Kodit, per llogaritjen e pjeses qe i perket mallrave te importit te trupezuara ne produktet e perpunuara, zbatohet *mutatis mutandis* metoda e matjes sasiore ose metoda ne baze vlere.

Neni 335

Deklarata per mbylljen e regjimit te perpunimit te mallrave nen kontrollin doganor duhet te depozitohet ne njeren prej zyrave doganore per mbylljen e regjimit, te treguara ne autorizim.

Neni 336

1. Deklarata per mbylljen e regjimit te perpunimit nen kontroll doganor perpilohet sipas dispozitave qe rregullojne destinacionin doganor perkatës.
2. Pershkrimi i produkteve te perpunuara ose mallrave te importit ne deklaraten, e te ciles i referohet paragrafi 1, duhet t'i korrespondoje specifikimeve te dhena ne autorizim.
3. Per qellim te te nenit 87(2) te Kodit, dokumentat shoqeruese te deklarates per mbylljen e regjimit jane ato dokumenta te cilat nevojiten per vendosjen e mallrave nen regjimin e kerkuar.
4. Çdo deklarate per mbylljen e regjimit te perpunimit nen kontrollin doganor duhet te permbaje ne lutine 44 numrin dhe daten e autorizimit per regjimin nen kontrollin doganor.

Neni 337

1. Mbajtësi i autorizimit, brenda 30 ditësh nga dita e skadimit të afatit kohor per mbylljen e regjimit, duhet ti paraqesë zyres doganore mbikqyrese dokumentin per mbylljen e regjimit perkatës.
2. Dokumenti i mbylljes se regjimit permban mes te tjerash te dhenat e meposhtme:
 - a) referencat e autorizimit;
 - b) sasine per cdo lloj nga mallrat e importit dhe referencat e deklarates per vendosjen e tyre nen regjim;
 - c) kodin e mallrave te importit ne nomenklaturën e kombinuar;
 - d) vleren doganore te mallrave te importit;
 - e) koeficientin e shfrytezimit qe eshte caktuar;
 - f) natyren dhe sasise e produkteve te perpunuara dhe destinacionin doganor ne te cilin ato jane vendosur, bashke me referencat e deklarates qe i vendos keto produkte nen një destinacion doganor;
 - g) shpenzimet e perpunimit, kur vlera doganore duhet te permbaje ato;
 - h) kodin e produkteve te perpunuara ne nomenklaturën e kombinuar.

Neni 338

1. Zyra doganore mbikqyrese mund te bjere dakord qe:

- a) dokumenti i mbylljes se regjimit të behet me sisteme informatike ose ne cdo forme tjetër ne të cilen zyra ne fjale bie dokort;
 - b) dokumenti i mbylljes se regjimit të behet nepermjet deklaratës per vendosjen e mallrave nen regjim.
2. Zyra mbikqyrese plotëson dokumentin e mbylljes se regjimit ne baze të verifikimit të kryer, duke informuar mbajtësin e autorizimit, nese është nevoja, mbi rezultatet e verifikimit, duke ruajtur dokumentin e mbylljes se regjimit dhe dokumentat perkatëse per të paktën 3 vjet kalendarikë nga fundi i vitit ne të cilin u krijua dokumenti.

Neni 339

Ne kuadrin e nenit 40(1) të Kodit, kur produktet e perpunuara vendosen ne qarkullim të lire, ne baze të zgjedhjes se vetë personit të interesuar ne datën e pranimi të deklaratës per vendosje ne qarkullim të lire të produkteve në fjalë, vlera doganore e tyre, do të jetë njëra prej vlerave të treguara me poshtë:

- a) vlera doganore, e percaktuar ne ose ne pothuaj të njëjtën kohe me prodhimin e mallrave identike ose të ngjashme ne ndonjë vend tjetër;
- b) cmimi i shitjes, me kusht që ky të mos jetë ndikuar nga ndonjë marredhenie mes bleresit dhe shitësit ;
- c) cmimi i shitjes ne Republikën e Shqipërisë per mallra identike ose të ngjashme, me kusht që ky të mos jetë ndikuar nga ndonjë marredhenie mes bleresit dhe shitësit;
- d) vlera doganore e mallrave të importit duke i shtuar edhe shpenzimet e perpunimit.

Neni 340

Kur në kohen e pranimi të deklaratës per vendosjen ne qarkullim të lire të mallrave të importit, për këto mallra është ne fuqi ndonjë masë e politikës tregtare, ajo nuk do të zbatohet per produktet e perpunuara, pervec kur ajo masë është në fuqi edhe për produkte identike me produktet e perpunuara. Ne keto raste, masat e politikës tregtare zbatohen mbi sasine e mallrave të importit të perdorura faktikisht ne fabrikimin e produkteve të perpunuara të vendosura ne qarkullim të lire.

Neni 341

Drejtoria e Pergjithshme e Doganave mund të nxjerë udhezime per zbatimin praktik të regjimit të perpunimit nen kontrollin doganor.